

# Fwenraemxhaij Bwzhaij

□ Godoq comz hoiz



▲ Vunz ranzdan doq diuq doq ciengq.

◀ Fwenraemxhaij aeu saedcej vunz ranzdan guh goekdaej.



▲ Youq gwnz ruz doiq fwen.



▲ Doxidax fwenraemxhaij.



▲ Youq gwnz daizheiq vieni fwenraemxhaij.



▲ Canghfwen ciengq fwen-raemxhaij ndeidingq lai.



▲ Ciengq fwenraemx-haij hoh gvanbaz moq.

Fwenraemxhaij (vunzbiengz heuhguh fwenraemxndaengq) Bwzhaij dwg Bwzhaij cungj fwenbiengz hung ndeu. "Raemxndaengq" dingq mingz couh rox dwg raemxhaij, Fwen-raemxhaij dwg fwen gwnz haij roxnaeuz henz haij, ca'mboujlai cungj dwg fwen bouxdwkbya rox-naeuz vunz ranzdan, hix gyonj heuhguh fwendwkbya.

Fwenraemxhaij Bwzhaij, ciuh-geq heuhguh fwen ranzdan, dwg cungj fwenbiengz ndeu, youq Bwzhaij daengj dieg cienzlah geij bak bi nanz, youz gyoengqvunz ranzdan youq guhhong gvaq saedcej ndawde aeu bak ciengq le cienz roengzdaej.

Gyoengq vunzdwkbya ciengz-baez youq gwnz haij dwkbya ndaejhoengq seizhaenx couh ciengq fwenraemxhaij, mizseiz vunz youq ruz doxgyawj hix doxdoi q ciengq fwen, baih neix ciengq liux baihaenx han. Gij fwen gyoengqde ciengq haenx, lwnh ok gyoengqde

doi q guhhong gvaq saedcej miz gamjingz noengzna, yienh'ok gyoengqde miz saenqsim lai mbouj lau dai le hoenx langhhaij yak haenq. Gyoengq vunzdwkbya dwk ndaej haujai bya le dauq ndaw baksok, hix gingciengz doxcomz giz gyawj ranz ciengq fwenraemxhaij, aeu neix dauj lwnh ndaw sim gyoengqde ndaej fungsou le angqvauvau. Mizseiz doengh bouxcoz mbwksai doxiu bae gwnz raiq roxnaeuz ndaw ndoeng henz haij, ciengq fwenraemxhaij doxlnh simngeix. Mbanj vunz-dwkbya ciengzbaez banhlaej coux-bawx haqlwg seizhaenx hix ciengq fwenraemxhaij, lwnh ndawsim ndek mbouj ndaej vunzranz.

Fwenraemxhaij Bwzhaij ndawde lwnh vunz rox gij saeh vunz ranzdan baengh haij ra gwn le miz maz bienqvaq. Doengqvaq singfwen neix yienh'ok le ndaw sim caeuq saedcej vunz ranzdan miz lai cungj lai yiengh.

Gij sing fwenraemxhaij Bwzhaij gag miz daegsaek, de sing sang goksasa, miz di sing van diemz-daeddaed, miz di sing unq raez-rengreng. Doenghgi yienghsing daeuz miz 《Ciengq Cejranz》《Dih Fwenraemxhaij》《Fwen Cibngeih Nyied Soengq Vunz》《Bouxsoengq》《Buenx Haq》《Haenh Vunzciuhgeq》daengj lai cungj. Moix coenz geijlai cih mbouj doxlumj caez, moix coenz fwen ndawde cih doeksat gingciengz aeu dawzyinh(yinhmeh doxlumj rox-naeuz doxgyawj), yienghsing coenz-fwen dingz lai ciuq cih bae dingh, hoeng cihboiq caeuq cih doeksat singdiuh deng doxlumj, vanzlij ne mboujguenj ciengq geijlai duenh, doenghgi gezgou baebaedauqdaug haenx cungj mbouj bienq.

Bi 2010, fwenraemxhaij Bwzhaij ginggvaq Gvangsih Bouxcuengh Swcigh Yinzminz Cwngfuj doengzeiq, ndaej lied haeuj daihsam buek swcigh gaep feihvuzciz vwnzva yizcanj mingzloeg.

## 妈妈教我唱起咸水歌

作曲: HWJ-沐晓凌

作词: HWJ-沐晓凌

1=2/4

0 0 0 0 | 6 6 6 6 0 0 | 5 5 5 5 0 0 | 5 5 5 5 6 6 | 2 2 2 1 2 0 0 |

6 2 6 6 0 0 | 6 4 6 0 | 5 6 4 5 0 0 | 4 1 2 1 0 | 2 4 6 6 0 0 | 1 6 6 4 6 0 |

5 6 4 5 0 0 | 5 2 2 1 0 | 2 4 6 0 4 4 3 0 | 1 6 4 4 4 3 2 6 | 6 0 0 2 6 4 2 |

6 0 6 6 2 6 4 2 | 6 0 0 6 1 6 | 1 7 - 0 5 6 | 5 3 6 - | 0 0 0 0 ||

6 2 6 6 0 0 | 6 4 6 0 | 5 6 4 5 0 0 | 4 1 2 1 0 | 2 4 6 6 0 0 | 1 6 6 4 6 0 |

5 6 4 5 0 0 | 5 2 2 1 0 | 0 0 0 0 | 5 6 7 0 6 2 6 0 | 6 7 1 1 2 | 1 . 6 7 0 |

5 6 7 0 1 7 6 0 | 6 6 6 2 1 | 7 . 6 7 0 | 1 2 3 0 4 3 2 0 | 2 1 7 1 7 6 |

5 2 5 2 5 6 6 | 6 - - 0 :|| 0 0 0 0 | 0 0 0 0 | 0 0 0 0 | 0 0 0 0 | 0 0 0 0

一旦传布到亲戚。

▲ Souj go《Daxmeh Son Gou Ciengq Fwenraemxhaij》.